

BESTJOEREN EN MEIWURK(ST)ERS

SELSKIP "FRYSLÂN" TE UTERT

Foarsitter	Pietie Westdijk-Kaastra, Het Spoor 20, 3994 AK Houten til. 030 - 2318 224 (pcwestdijk@planet.nl)
Skriuwer en Redaksje Kritekoer	Jan Piet Bergmans, Langeweg 75, 4133 AT Vianen til. 0347-320093 (j.p.bergmans@casema.nl)
Ponghâlder en lede-administraasje	Jan Roelants, Joke Smitplein 16, 3581 PZ Utrecht til. 030 - 2010118 (jhw.roelants@online.nl)
Bestjoerslid	Bank: NL05INGB0000194027 o.n.f. Selskip Fryslan Harke Hofman, Elzenstraat 3, 4131 AK Vianen, til. 0347-377703 (harkemarga@gmail.com)
Aldereinsaken	Frou J.Wielinga, Japuradreef 26, 3563 ED Utrecht, til. 030-261 7816

SELSKIP “MEI INOAR” TE SEIST

Tydlik postadres: Pr.Bernhardstr.24, 3981 BN Bunnik

Foarsitter	fakatuere
Skriuwer	fakatuere
Algemien Adjunkt / 2de skriuwer	Klaske van Hoeij-de Boer, Heuvellaan 19, 8162 CT Epe, til. 06-50540181 (kvanhoeij@gmail.com)
Ponghâlder	Nieske Schurer, Saturnuslaan 6, 3721 SG Bilthoven, til. 030-2251447 (nschurer@casema.nl); Bank: NL75INGB0003486499 o.n.f. SELSKIP MEI INOAR Trieneke Vos, Willem Pijperlaan 18, 3702 AM Zeist til. 030-6916081 (tvos51@kpnmail.nl)
Bestjoerslid	Boukje Andringa-Brattinga, Maertensplein 65, 3738 GN Maartensdijk, til. 0346-216240 (boukjeandringa@kpnmail.nl); Trieneke Vos, Willem Pijperlaan 18, 3702 AM Zeist til. 030-6916081 (tvos51@kpnmail.nl)
Sosjale Kommisje	Ida Knobbe, Pr.Bernhardstr.24, 3981 BN Bunnik, til. 030-6562555 (iknobbe@hccnet.nl)
Lede-administraasje en Redaksje Kritekoer	

Foar beide Kriten

Einredaksje	Ida Knobbe-Kramer	-adres: sjoch hjirboppe
Ferstjoeren Kritekoer	Harke Hofman, Vianen	- adres: sjoch hjirboppe
	Pietie Westdijk-Kaastra	- adres: sjoch hjirboppe
	Giro 37 69 436, o.n.f. Adm. Kritekoer	

DE KRITEKOER

Selskip Fryslân te Utert
Selskip “Mei Inoar” te Seist

Ynhâld Kritekoer:

Selskip Fryslân

- Fan de foarsitter
- Ferslach kritemiddei fan 16.02
- Takomst fan de kriten
- Utnûging Algemiene Gearkomste FBoU

Selskip “Mei Inoar”

- Fan de bestjoerstafel
- Reâksje op keninklike ûnderskieding
- Ferslach Nijjiersjûn fan 26.01
- Ferslach toanieljûn fan 09.02
- ‘Ta Oantiken’ Ben Hak
- Ledenijs
- Gedicht “GEMIS”
- Jierdagen

Redaksje

- Jan Piet Bergmans
- Ida Knobbe

Jiergong 64 nr. 2

Maart 2019

(foarjiersmoanne)

Dizze kritekoer freget in protte omtinken fan de ledien fan Seist en fan Utert. Foar Seist omdat it doel is Selskip Mei Inoar te úntbinen, foar Utert omdat dat ek feroaringen betsjt.

De beide bestjoeren ha in earste oerlis hân. It resultaat hjirfan is in dizze Kritekoer opnaam.

De opkomst op de lêste middeisgearkomste fan Utert foel ús tige ôf. Fyftjin minsken, mar wol in djoer programma. Foarsitter Pietie Westdijk docht in oproep aan de ledien om witte te littien: moatte wy al of net trochgean om middeis aktiviteiten te organisearjen. Ek hearre wy graach wat foar programma’s de ledien op priis stelle. Jou dit troch aan har.

Yn Fryslân wurdt aksje fierd foar better Frysk op de skoallen. It biedwurd is “Frysk is in bernerjocht”. Op 9 maart 2019 is der op it Saailân om 15.00 oere yn Ljouwert in grutte manifestaasje.

Yn de brosjuere is de tekst opnaam: *Dy’t syn memmetaal fersmyt is syn djoerste eigen kwyt.*



Wy fersmite ús memmetaal net.

Yn maart 2019 kinne jimme genietsje fan in moai Frysk toanielstik yn Seist.

Wy rekken op jimme!!

Jan Piet

Slutingsdatum ynleverjen kopij: **26 april 2019**

WAT SIT DER YN DE KOER?

Selskip Fryslân te Utert

Sneon 23 maart 2019:

Mienskiplike jûn mei Seist.
Teatergroep FJOER spilet ‘It pronkje fan Ierlân’
(Lokaasje: Noorderlichtsjerke, Seist
- sjoch middenside)

Medio maaie 2019;
eksakte datum noch
net bekend

Algemeine Ledegearkomste selskip “Fryslân”;
Oprjochtingsgemarkomste krite ‘Utert-Seist’nei it
ûntbinen fan selskip Mei Inoar, yn maaie 2019.
It doel is om de gemarksten oanslutend te hâlden.

Selskip “Mei Inoar” te Seist

Sneon 23 maart 2019:

Mienskiplike jûn mei Utert.
Teatergroep FJOER spilet ‘It pronkje fan Ierlân’
(Lokaasje: Noorderlichtsjerke, Seist
- sjoch middenside)

Medio maaie 2019;
eksakte datum noch
net bekend

Oprjochtingsgemarkomste krite ‘Utert-Seist’nei it
ûntbinen fan selskip Mei Inoar, yn maaie 2019.

SELSKIP “MEI INOAR”

G E M I S

**It moed sjit my net fol
om de ferfleine jierren**



**de ratteljende fyts
en de healsliten klean
begear ik net werom**

**mar fergees haw ik
socht om it sleatsje
mei glêshelder wetter**

**fol wûnderlik libben
yn in blinkend ljocht
alhiel aan ‘e boaiem ta**

Jantsje Oost

Maitiid is op kommendeweи !!



Redaksje-adressen:

Selskip Fryslân: Jan Piet Bergmans
Adres: sjoch lêste side
Email: j.p.bergmans@casema.nl

Selskip “Mei Inoar”: Ida Knobbe
Adres: sjoch lêste side
Email: iknobbe@hccnet.nl

Webstek fan it Boun: www.fryskbutenfryslan.frl

Us 75+ leden lokwinskje wy mei harren jierdei!



Frou L.Polman, Driebergen	17.03	Dhr. R.Miedema, Bilthoven	07.05
Dhr. S.Boersma, Odijk	25.03	Dhr. J.Zandbergen, Leersum	09.05
Dhr. S.Osinga, Bunnik	25.03	Frou J.Amersfoort, Bunnik	14.05
Frou B.Andringa,Maartensdijk	27.03	Dhr. H.v.Harreveld, Leersum	16.05
Frou H.Bakker, Maartensdijk	27.03	Frou G.Pijl, Amerongen	15.04
Frou I.Petersen, Maarn	28.03	Frou P.Stienstra,Veenendaal	26.04
Frou B.Hartstra, Zeist	27.04	Frou W.v.d.Werff, Zeist	26.05
		Dhr. S.Haarsma, Maarn	30.05

SELSKIP “MEI INOAR”



Sneon, 9 febrewaris, wie der in prachtige toanieljûn yn de seal fan de Noorderlichttsjerke yn Zeist. Nei it iepeningswurd fan Trieneke Vos songen wy, sa't wy wend binne, it Fryske Folksliet en dêrnei kaam de Fryske Krite Bûtenpost oan bar mei it toanielstik '*De tante fan Charly*'. In stik fol misferstannen en hilaryske mominten dêr't wy wakker om laitsje koenen. Foaral de hûsfeint, dy't min of mear twongen waard de stienrike tante fan Charly te spyljen omdat de tante net op 'e tiid opdaagje kaam, spile de stjerren fan de himel; dêrmei nijs yn it neidiel sein fan de oare spilers dy't stik foar stik ek tige goed spilen.
Koartsein, wy hienen in prachtige, noflike jûn en gongen hiel tefreden op hûs oan.

Nieske de Jong, Zeist

BEN HAK

09-02-1936

27-01-2019

Foar in twadde kear moast ús âld-foarsitter Boukje Andringa, ôfskied nimme. Nei in lang en lokkich houlik mei Theo kaam nei syn ferstjerren nei in skoftke Ben Hak yn har libben en sy koenen tige goed mei-inoar. Sy hawwe harren ferlove, wennen apart, mar hellen it bêste yn inoar nei boppen. Ben wie yn syn libben fotograaf, organist en dirigint. Dirigint fan it koar dêr't Boukje lid fan waard nei de ferhuzing fan De Bilt nei Maartensdijk. Sy dielden in soad ynteresses, makken moaie ústapkes en neffens it prachtige stikje dat Leo Fijen skreau (syn werom-sjoch op Ben) wienen beide in foarbyld foar elkenien. Op it roubrief stie: *Geloof, hoop en Liefde, Maar de belangrijkste is Liefde.*

Ben haw ik in kearmannich moete: op kritejûnen (en dan foaral op de muzikale jûnen), mar ek persoanlik, bygelyks by it intentsje fan de Taalgroep. It wie in man om yn it hert te sluten, tige minlik en in goed gefoel foar humor.

Fan Ben syn lêste wiken stelde Boukje ús troch email-berjochten op de hichte.

Oant it lêste ta wie de regy, leafdefol, yn hadden fan Ben.

Yn ús tinzen binne wy èn by de famylje fan Ben èn by Boukje en wy winskje har treast en sterkte ta by it ferwurkjen fan dit ferlies.

Ida Knobbe

Ledenijs

- Us bestjoerslid Klaske van Hoeij-de Boer sil heal maart ferhúzje nei Epe, Heuvellaan 19, 8162 CT Epe, tel. 06-50540181
- Wy kinne twa nije leden ferwolkomje: famylje E. van der Woude út Culemborg. Sy wienen al oanwêzich op 9 febrewaris en wy hoopje harren fansels fakenfolle op ús jûnen te sjen.

SELSKIP FRYSLAN

Fan de foarsitter

Mei 14 graden en soms noch heger, liket it wol maitiid. In tún fol mei krookjes en snieklokjes, lekker hear, mar ik fyn it ek altyd wol lekker bûten, as it kreaket fan de froast! Mar ja, men kin net altyd krije, wat men wol. En dat is mar goed ek!

Juster (16.02) hienen wy ús krite-middei. It wie in noflike middei mei Gjalt en Paul, se songen en makken gesellige praatsjes tuskentroc. It wie spitich, dat der mar sa'n bytsje ledien wienen. Leit dat oan it moaie waar? Of is it better, om alles mar wer op jûn te dwaan?

Graach soenen wy dat witte wolle, want wy wolle elkenien saolle mooglik in gesellige jûn, of middei besoargje!

Miskien wolle jimme dat wol oan my trochjaan (foar e-mailen, skriuwien of beljen, sjoch side 12), dêr

kinne wy dan wat mei. Ek wat de ûnderwerpen, lykas "sjenre", oanbelangje, is jim kar wol gaadlik. Tink der mar efkes oer en lit it my witte. Want wy as bestjoer, sille ynkoarten wer oan it regeljen oer ús kommende winterprogramma. Wy komme wol mei in ústsel, mar it soe ek gaadlik wêze as der ynbring fan jimme kant komt.

Fierderop fine jo in stikje oer de gearwurking mei Krite Mei Inoar fan Seist. Wy binne der al aardich mei dwaande en sille elkenien op de hichte hâlde.

Ik haw yn 'e rekken dat der in soad minsken griperich binne. Miskien is dat ek wol de reden dat der juster minder minsken wienen? Fan dit plak ôf winskje ik elkenien betterskip.

In hertlike groet fan
Pietie Westdijk-Kaastra

De middei mei Gjalt de Groot en Paul Siemersma (16 febrewaris 2019)

Twa manlju dy't noch ha oan muzyk meitsjen. Paul is skoalmaster en Gjalt beskreau himsels as autodidaktysk, filosofysk, libbensûntdekker. In middei mei in grut ferskaat oan prachtige ferskes, yn ferskillende talen, bygelyks Ingelsk, Frysk, Nederlânsk. Guon fan de ferskes ha in oarsprong fier fuort (Ierlân) en guon fan tichteby, sa as 'It feintsje fan Menaam'.

Paul spilet op de akkordeon en Gjalt op de lûkpûde. De lûkpûde wurdt ek wol it earmeljus-oargel neamd. Dat hat te krijen mei de earmoed fan ear-tiids. Yn hûshaldingen mei in protte bern wie net altiten genôch iten. Heit pakte dan de lûkpûde en mei de muzyk fergeaten de bern de honger. In gesellige middei wie it, mar ek noch learsum dus.

Jan Piet

SELSKIP FRYSLAN

De takomst fan de kriten nei it ûntbinen fan Selskip Mei Inoar yn maaie 2019.

De bestjoeren fan Utert en Seist ha yn jannewaris 2019 oerlis hân oer de situasje dy't ûntstiet wannear't Selskip Mei Inoar yn maaie 2019 ophâldt te bestean.

Wy sjogge noch wol takomst foar in mienskiplike feriening. Wy ha dy takomst sa konkreet mooglik makke. Yn dit artikel wurdt hjir ferslach fan dien.

De kriteprogramma's sille om en om yn Utert en Seist holden wurde. Wy tinke oan sa'n 5 of 6 aktiviteiten. De toanielstikken organisearje wy yn Seist fanwegen it poadium. De lytsere programma's wurde yn Utert holden. Hjirby wurde de aktiviteiten ek middeis organisearre. Op in middei komme net mear minsken as op de jûn, mar der binne wol minsken dy't middeis wol komme en jûns net.

De rigels fan krite Utert binne beskreaun yn de grûnslaggen fan 1951. De Seister statuten binne fan 2006. In fergeliking fan dizze grûnslaggen/ statuten leart dat se netolle fan inoarskerskille.

Wy tinke oan deselde soarte programma's as dy't wy no organisearje. It moat oantreklik wêze.

De krite(n) hawwe nochal wat âldere ledien. Wy sille foar dizze minsken in sjauffeurs- en begeliedingspool opsette om op de kritejûn/-middei te kommen. De ferskillende moogkheden ta in gearwurkingsoerienkomst /fúzje binne besprutsen. Wy hawwe in foarkar útsprutsen foar in foarm dy't sa ienfâldich mooglik en mei de leechste kosten te realisearjen is. Dat kin berikt wurde as Seist ûntbûn wurdt en de ledien lid wurde fan Utert. In krite bestean litte hat as foardiel dat it rekkennûmer en de yn-

skriuwing by de KvK behâlden wurde kinne. De nije feriening moat in nije namme ha. As foarriedige wurknamme ha wy 'krite Utert-Seist' keazen.

De ledien moatte fansels rieplachte wurde. Yn maaie 2019 wurdt de ûntbinings gearkomste fan krite Seist holden. Yn dizze moanne hâldt Utert ek altiten harren Algemiene LedenGearkomste (ALG). Foar Utert wurdt ferslach dien fan it boekjier 1 maaie 2018- 30 april 2019. Seist soe it boekjier foar 1 kear ôfslute kinne op 1 maaie 2019.

It liket de bestjoeren it meast praktyske ta wannear't de ûntbiningsgearkomste fan Seist en de ALG fan Utert op deselde dei holden wurde. Nei dizze 2 aparte gearkomsten hâldt wy in **mienskiplike ALG**. Oanslutend oan it formeel diel tinke wy oan in feestlik programma. Meastentiids is in ALG op in wurkdei, miskien is it no better om in sneon te kiezen.

Yn dy mienskiplike ALG moatte wy ûnder mear oan de oarder stelle: de bestjoersgearstalling, it boekjier, finansjele saken, sa as kontribûsje, begrutting seizoen 2019-2020, de nije namme fan de feriening.

Oare saken dy't besprutsen binne:

- De namme 'Kritekoer' bliwt; gjin opmaak sa as no, mar in A4-Word-dokumint; de omfang sil lytser wurde
- Wa binne de kandidaten foar it nije bestjoer? Trieneke bliwt oan, Nieske wit it noch net, Klaske ferhuzet en giet út it bestjoer, Gerrita tinkt der oer nei. De 4 sittende bestjoersleden fan Utert wolle trochgean. Yn prinsipe binne der 6 persoanen, mar foar de Seister kant is der romte foar noch 2 nije bestjoersleden.
- Kontribûsje is by Utert € 12 en by Seist € 15. Wy tinke oan in kontri-

SELSKIP "MEI INOAR"

Nijjiersjûn fan Selskip Mei Inoar

Op fersyk fan it bestjoer wienen wy op 26 jannewaris 2019 om stipt 17.30 oere by de Noorderlichtkerk. Wy koenen genietsje fan in drankje mei oer en wer in soad 'lok en seine', dêrby elkoar foaral in goede sûnens tawinskjend; men wurdt der op 't lêst net jonger op.

De reden fan it op 'e tiid oanwêzich wêzen, waard ús dûdlik doe't de boargemaster fan Bunnik, dhr. R. van Bennekom, toaid mei amtskeating, de feestseal ynkaam. Yn syn taspraak fertelde hy de reden fan syn komst: minsken dy't harren frijwillich en ûnbaatsuchtich foar gâns in skoft ynset hawwe foar de maatskippy, fertsjinje in ûnderskieding. Yn ús fermiddien is dizze jûn immen oanwêzich dy't in ûnderskieding fertsjinnet.

"It hat Syn Majesteit de Kening behage om jo, mefrou Ida Knobbe-Kramer, te befoarderjen ta lid yn de Oarde fan Oranje Nassau. Ik haw as boargemaster de noflike taak om jo de fersiersels fan jo ûnderskieding op te spjeldzjen", sei hy plechtich tsjin de tige ferhearde Ida Knobbe.

Neist de protte kulturele, maatskiplike en sportive gebieden, dêr't Ida har foar ynset hat en dêr't sy noch by anneks is, is der foaral har leafde foar de Fryske taal. Om dy bekend en libben te hâlden, joech sy dêrta kursussen. Sy is ek, sa gong hy fierder, al jierren tige behelle by bestjoer en organisaasje fan dizze

Fryske Krite. In hertlik applaus en in toast op de gehuldigde folge. Begelaat troch de twa fleurige Fryske trûbadoers op akkordeon en lûkpûde songen wy op de wize fan 'It Dokkumer Lokaaltsje' de 'Oade oan Ida' op tekst fan Trieneke Vos.



Dêrni naam Klaske van Hoeij it wurd. Sy memorearre alle feestlike en nijsgjirrige gearkomsten fan de ôfrûne jierren, en teffens dat der in gearfoeging mei Selskip Fryslân te Utert mooglik is, sadat ús njoggentichjerrige Mei Inoar net hoecht op te hâlden. Dat die ús beseffen mei hoefolle organisaasjetalint de bestjoersleden de withoefolle wurksumheden ek yn 2018 wer út 'e wei set hawwe. Hjirfoar lof en tank . It buffet fan trêleur Landwaart dêr't wy, mei de boargemaster yn ús fermiddien, fan genoaten hawwe, wie wer treflik. It muzikale diel fan de jûn waard fersoarge troch de neamde trûbadoers Gjalt de Jong en Paul Siemensma. Sy fermakken ús mei ferhalen, shanty's, Ierske en Skotske en fansels ek mei Fryske lieten.

Dizze moaie nijjiersjûn krige in blysûnder tintsje: IT LINTSJE.

Wim en Erika Oosterman,
De Bilt

SELSKIP “MEI INOAR”

Opjochte op 20 desimber 1928.

*It ferieningsjier rint fan 01-09 oant en mei 31-08. Opsizing foar 01-08.
Kosten lidmaatskip: € 15,- de man; foar bankgegevens: sjoch lêste side.*

Fan de bestjoerstafel

Op ús nijjiersjûn hawwe wy ús 90-jierrick bestean betocht, mar der wie ek in oar feestlik barren. De dielnimmers oan it buffet hawwe dêr tsjûge fan west. Al mear as in heal jier wie ik fan alles op 'e hichte, mar ik moast dêroer swije en dat foel net altyd ta. Mear ferklap ik net, jimme kinne it lêze op side 9.

Op 31 jannewaris hienen wy mei it bestjoer fan Krite Utert in gearkomste oer in mooglike fûzje. Ik fûn it in yspirearjende jûn, mei in positive blik op 'e takomst. It wie dúdlik, dat eltseinen de skouders der ûnder sette wol. Der wienen sels al ideeën foar in kritejûn yn it nije seizoen. Ien dérfan wie sa orizjineel, dat ik er no al sin oan haw, mocht it allegearre slagie.

Mear oer de ynhâld fan dizze jûn stiet op side 4.

Op 9 febrewaris koenen wy genietsje fan de toanielploech út Bûtenpost. Se wienen foar it earst by ús en wy hienen in prachtige jûn. It binne betûfte spilers, se hawwe hiel wat yn 'e marse.

Wat my oanbelanget meie se noch wol ris komme. In koart ferslach fan dit optreden stiet op side 10.

Op tongersdei de 7^{de} febrewaris haw ik, mei in freondinne, foar ús kritejûn fan 9 febrewaris de oranjekoeken ophelle. Se wurde besteld yn Dokkum en besoarge by in bakkersgruthannel yn Bunschoten-Spakenburg. It doel wie dêrmei om yn it doarp wat te drinken, mar hoe't wy de oanwizing rjochting 'centrum' ek folgen, it slagge ús net om der te kommen. Myn freondinne hie sels har telefoon ynskeakele op Google Maps, mar ek dat gong mis. Samar die de telefoon it net mear. In bytsje beteutere binne wy doe mar op hûs oangien. Ik naam de ferkearde ôfslach en doe ridein wy Baarn yn. Dêr ha wy yn kastiel 'Groenewoud' poeiermolke dronken mei in lekker gebakje derby. Wy sieten dus op stân en dat joech in goed gefoel nei al ús sykjen en swalkjen.

Op sneon 23 maart hawwe wy, yn 'e mande mei Utert, in toanieljûn - sjoch de middenside. Ik hoopje jimme dan fansels wêr te moetsjen.

Net stinne, mar derhinne.....!

Oant sjen dus !

Trieneke Vos



26 jannewaris: wat wie dat in bysûndere jûn! Dat ik de boargemaster fan Bunnik op ús jubileumjûn seach, fernuvere my tige. Der begûn by my wier net in lampke te baarnen - dat barde earst letter. De útrikking fan de kenniklike ûnderskieding, de reaksjes fan de minsken yn de seal, de blommen, it mei elkoar sjongen fan de 'Oade' fan Trieneke, ik haw der tige fan genoaten!! Foar my persoanlik koe foar de útrikking net in better plak keazen wurde. It mei elkoar belibjen fieldie as in waarm bad!

Ida Knobbe

SELSKIP FRYSLAN

bûsje fan 12,-. De eareleden betelje gjin kontribûsje, wol de ynlis foar in kritejûn. It doel is om alle eareleden oer te nimmen (3 fan Seist en 2 fan Utert)

- As 'feestje' nei de mienskiplike ALG dogge wy in FRYSKÉ KWIS.
- De ynformaasje oer it gearfoegjen fan de kritten wurd opnaam yn 2 Kritekuorren : dizze en dy fan april

2019. Yn de Kritekoer fan april wurde de warklisten foar de AG's opnaam.

- De bestjoeren fan Seist en Utert komme yn maart 2019 nochris by inoar om ien en oar noch fierder út te wurken.

De bestjoeren fan selskip 'Fryslân en selskip 'Mei Inoar'.

Utnûging foar de 95^{ste} Algemiene Gearkomste fan "It Frysk Boun om Utens

(Dizze utnûging is foar bestjoersleden mar ek foar gewoane kriteleden.)

Datum: sneon 30 maart 2019;

Lokaasje: Restaurant Grandcafé 'Urbana', Wipstrikkerallee 213, Swol (038-4538418)

Programma:

13.30 oere Untfangst troch it bestjoer fan it Frysk Boun om Utens mei in kopke kofje of tee en in stikje oranjekoekje.
Algemiene gearkomste - part 1

Skoft

Algemiene gearkomste - part 2

Skoft

Oanslutend: lêzing troch Jan Bosgraaf oer syn wark as Bûten-gewoan Amtner Boargerlike Saken

17.00 oere Sluten Algemiene gearkomste
Gelegenheid om (waarm) te iten.

It jûnsprogramma begjint om **20.00** oere. Bennie Huisman fan It Hearrenfean komt mei syn nije foarstelling "**De lange reis nei Berlyn**".

Wannear't jo dielnimme wolle aan dizze dei, dan graach berjocht dwaan aan de skriuwer fan it FboU: Kees van der Beek, Beemdweg 29, 3852 XC ERMELO till. 0341 – 559343; e-mail: skriuwerfbou@fryskbutenfryslan.nl

Jo opjefté - foar de gearkomste en/of it iten en/of it jûnsprogramma - moat foar **17 maart 2019** binnen wêze. Jo hoege net yn it foar te beteljen.

Wannear't jo ferlet ha fan in rûtebeskriwing of reisadvys foar trein/bus, dan graach efkes in berjocht aan de skriuwer fan krite Utert (Jan Piet Bergmans)

**Selskip Mei Inoar en Selskip Fryslân
nûgje jimme út foar it optreden fan
Teatergroep FJOER
op sneon 23 maart 2019**



Koarte ynhalde:

It 'Pronkje fan Ierlân' is in swarte komeedzje mei like hilaryske as bittere mominten.

De dochter Maureen sjocht har kâns op leafde as snie foar de sinne weiwerden troch har manipulative mem Mag.

De twa broers, Ray en Pato, dy't de neiste buorkerij bewenje, spylje in grutte rol yn dizze fersteurde relasje.

In stik oer iensumens en op skerp steande ferhâldingen. Yn djipste wêzen sa werkenber. Minsken dy't inoar om wat foar reden ek, net meer berikke kinne. In tema fan dizze tiid dat om feroaring freget.

Spilers

Maureen:	Annemarie van Esveld
Mag:	Baukje Stavinga
Ray:	Geert Couperus
Pato:	Sjoerd Stenekes
Regy:	Afke Toren
Lûd en ljocht:	Sieger Rinsma
Sang:	Wiebe Joostema
Ynstekster:	Ida Koopmans



Datum: **SNEON 23 maart 2019**
 Plak: Noorderlichtsjerke, Bergweg 92B, Seist
 Hoe let: 20.00 oere (seal iepen om 19.30 oere)
 Ynlis: kriteleden € 10,00; net-leden € 12,00

* * * BOEKEN: Nije, sawat nije en healsliten * * *

